

## No. 406. 1332. 13. Juli.

*Herzog Rudolf von Sachsen beurkundet, dass die Brüder Hermann, Richard und Heinrich von Golsen in seiner Gegenwart sich zum Empfang der dem B. Withego dargeliehenen Summe von 1810 Schock Groschen bekannt haben, auch wegen anderweitiger Forderungen befriedigt seien. Vgl. No. 367.*

Nos Rudolfus dei gratia dux Saxoniae, Angariae, Westphaliae, comes in Bren, burchgravius in Magdeburch sacrique imperii archimarschalcus recognoscimus et tenore praesentium litterarum ad universorum notitiam publice volumus devenire, quod anno incarnationis domini millesimo trecentesimo tricesimo secundo die beatae Margaretae virginis famosi famuli Hermannus, Rychardus et Heynricus fratres burchgravi de Golsin constituti coram nobis in Pryttin<sup>a)</sup> praesentibus nostris fidelibus et aliis multis, scilicet honorabili viro domino Alberto Mynsensis ecclesiae praeposito, Heinrico pincerna de Schenkenendorf, Rychardo de Damis, Losero de Reuelt militibus, Bodone de Ylburg, Gerhardo de Wederde, Ottone de Ylburg de Sunnenwalde, Ottone pincerna de Schenkendorf, Hentzkone de Damis, Beringero de Schowenvorst, Johanne praeposito in Kemerik tunc temporis curiae nostrae prothonotario, Syffrido cappellano nostro canonico Nuenburgensi, Hartmanno Mager, Conrado et Andrea fratribus de Globik, Conrado de Weltewitz, Hermanno de Geritz et aliis multis idoneis recognoverunt manifeste, se fore pagatos plene et sufficienter de mille et octingentis et decem sexagenis grossorum Pragensium per reverendum in Christo patrem et dominum nostrum dominum Wytchonem Mynsensis ecclesiae episcopum et famosos viros dominum Heynricum et dominum Thymonem de Kolditz de pecuniis dicto domino nostro episcopo mutuatis. Etiam de pecuniis de castro Rulant<sup>b)</sup> et de religiosis viris domino . . abbate et conventu suo Doberlug pro emenda patris praedictorum fratrum burchgraviurum de Golsin receptis, dimittentes rationabiliter et rite quitos et solutos penitus et omnimode praedictum dominum nostrum episcopum dominum Heynricum et dominum Thymonem de Kolditz germanos suos, et ecclesiam Mynensem, etiam plane omnes episcopos praedictum dominum nostrum episcopum in ecclesia praedicta futuris temporibus succedentes de pecunia supradicta. Et ne alicui de hoc dubium in posterum generetur et ecclesia praedicta Mynsensis monitionibus praedictorum fratrum burchgraviurum de Golsin eorumque heredum seu successorum aliquibus gravetur praesentem litteram dari iussimus sigillo nostro sigillatam. Datum anno loco et die supradictis.

Nach dem Orig. im K. Haupt-Staatsarchiv zu Dresden. An einem Pergamentstreifen hängt das beschädigte Reitersiegel des Herzogs.

Köhler cod. dipl. Lus. I. Anh. S. 103.

a) Prettin. b) Ruhland.